

文獻通考

百十七上八

王禮考

漢書門類
六〇〇號
二函
五架
一冊

漢書類
六〇〇號
二函
五架
一冊

內閣文庫	
番號	漢 600
冊數	140 (53)
函號	294 6

百十四下



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



文獻通考卷之一百一十七

淺草文庫

鄱陽馬端臨貴與著

王禮考

乘輿車旗鹵簿

唐制凡天子之車曰玉輅者祭祀納后所乘也青

質玉飾末全路者饗射祀還飲至所乘也赤質金

飾末象路行道所乘也黃質象飾末革路者臨兵



巡守所乘也白質鞞以革木路者蒐田所乘也黑

質漆之五路者重輿左青龍右白虎金鳳翅畫首

文鳥獸黃屋左纛金鳳一鈴二在軾前鸞十二在

衡龍輈前設鄣塵青蓋三層綉飾上設博山方鏡

下圖鏡樹羽輪金根朱班重牙左建旂十有二旒



通考一百一十
畫升龍其長曳地青繡網杠右載闌戟長四尺廣三尺黻文旂首金龍銜錦結綬及縷帶垂鈴金鏤方釳插翟尾五焦鏤錫鞶纓十二就旌旗蓋鞶纓皆從路質唯蓋裏皆用黃五路皆有副耕根車者耕籍所乘也青質三重蓋餘如玉輅安車者臨幸所乘也金飾重輿曲壁紫油纁朱裏通幃朱絲絡網朱鞶纓朱覆髮具絡駕赤駟副路耕根車安車皆八鸞四望車者拜陵臨吊所乘也制如安車青油纁朱絲絡網又有屬車十乘一曰指南車二曰記里鼓車三曰白鷺車四曰鸞旗車五曰辟惡車六曰皮軒車七曰羊車與耕根車四望車安車為十乘行幸陳于鹵簿則分前後大朝會則分左右

太宗貞觀元年十二月始加黃鉞車豹尾車通為屬車十二乘以為儀仗之用大駕行幸則分前後施於鹵簿之內若大陳設行則分左右施於儀仗之中高祖太宗大禮則乘輅高宗不喜乘輅每有大禮則乘輦至武太后以為常玄宗以輦不中禮廢而不用開元十一年冬祀南郊乘輅而往禮畢騎還自是行幸郊祀皆騎於儀仗之內其五輅要月興陳於鹵簿而已
唐制輦有七一曰大鳳輦二曰大芳輦三曰仙遊輦四曰小輕輦五曰芳亭輦六曰大玉輦七曰小玉輦輦有三一曰五色輦二曰常平輦三曰腰輦大駕鹵簿先五輅以行

唐大駕鹵簿天子將出前二日大樂令設宮縣之樂於庭畫漏上五刻駕發七刻擊一鼓為一嚴前五刻擊二鼓為再嚴侍中板奏請中嚴有司陳鹵簿前二刻擊三鼓為三嚴諸衛各督其隊與鈇戟以次入陳殿庭通事舍人引羣官立朝堂侍中中書令以下奉迎於西階侍中負寶乘黃令進路於太極殿西階南向千牛將軍一人執長刀立路前北向黃門侍郎一人立侍臣之前贊者二人既外辦太僕卿攝衣而升正立執轡天子乘輿以出降自西階曲直華蓋警蹕侍衛千牛將軍前執轡天子升路太僕卿授綏侍中中書令以下夾侍黃門侍郎前奏請法駕動警蹕鼓傳音黃門侍郎前奏

請發鸞駕動警蹕鼓傳音黃門侍郎與贊者夾引而出千牛將軍夾路而趨駕出承天門侍郎乘馬奏駕少留敕侍臣乘馬侍中前承制退稱制曰可黃門侍郎退稱侍臣乘馬贊者承傳侍臣皆乘侍衛之官各督其屬左右翊駕在黃麾內符寶郎奉六寶與殿中後部從在黃鉞內侍中中書令以下夾侍路前賢者在供奉官內侍臣乘畢侍郎奏請車右升侍中前承制退稱制曰可侍郎復位千牛將軍升侍郎奏請發導駕先萬年縣令次京兆牧次大常卿次司徒次御史大夫次兵部尚書自縣以下並正道威儀各乘輅其鹵簿各依本品給之次清遊隊白澤旗二分左引一人執二人夾也金吾折衝二人各領四十騎次金吾

大將軍二人分左右各二人執纛稍騎從也次金吾
果毅二人領候飛引到黃麾仗也次外鐵甲
仗飛二十四騎六重引到步甲隊次朱雀旗一騎
執二騎引金吾折衝都尉一人領四十人執橫刀
次龍騎十二各一騎前並戎服被大袍橫行正道
後亦二人護後副竿二人騎領也次指南車次記里鼓
車次白鷺旗車十二旗次辟惡車次皮軒車並駕
駕士各十四人次引駕十二重帶橫刀白皮軒車後
均布至細仗前一重弓箭次鼓吹令二人次桐鼓
相間金吾果毅一人檢校次鼓吹令二人次桐鼓
十二面金鉦十二面次大鼓百二面次長鳴百二
十具次鏡鼓十二面歌蕭笳各二十四次大橫吹
百二十具節鼓二面笛蕭箏篳篥桃皮箏篳各

二十四次桐鼓十二面金鉦十二面次小鼓百二
十面次中鳴百二十具次羽葆鼓十二面歌蕭笳
各二十四自前橫行每鼓以下工人皆自副並騎分左
五人以次殿中侍御史二人次黃麾一人執
次太史令一人次相風輦八人次桐鼓金鉦各一
司辰一人典事一人刻漏生四人分左右次行漏
輿正道士四人舉次鈸戟前隊左右武衛果毅各
一人騎次天色繡幡一次金節十二次罕畢
各一左罕次朱雀幄一次左青龍幢右白武幢各
次導蓋一又次稱長一次鈸戟各百四十四次左
右衛將軍各一次御馬分二十四次尚乘泰御人
分左次左青龍旗右白武旗各一左右衛果毅各

一人各領三十五次通事舍人八入騎次侍御史
二人次御史中丞二人次御史二人次拾遺二人
次補闕二人並騎次起居郎一人次起居舍人一人
右次諫議大夫在右次給事二人在左次黃門侍郎
二人在左次中書侍郎在右次左散騎常侍在左次右
散騎在右次侍中在左中書令二人在右舍白通事
皆步從次香燈一次左右衛將軍各左一人次班劍
儀刀左右廂各十次左右衛郎將各一人羽領散手
伏十八橫刀騎在副次左右驍衛郎將各一人各領
在散手外均布曲折至後門伏稍次左右衛供奉中
郎將四人領雅勳翊衛四十八人帶橫次玉輅青
王飾駕青駃六祭祀納后則乘之太僕卿次左右
馭駕士四十一人千牛將軍一人倍乘

衛大將軍各一人次千牛將軍一人中郎將二人
分左右次千牛備身在左次御馬二疋次左
右監門校尉各一人在後門次牙門四人次左
右監門校尉各十二人騎行仗頭各一人次左右
驍衛各翊衛三隊每隊三十五人並帶稍弩箭橫
統鳳旗第三隊各將一人領執吉利旗也次左右衛
夾轂廂各六隊一人果殺一人檢校也次大繖二
門在牙次孔雀扇各四分也次腰鞞一次小團扇四
次方扇十二花蓋次大輦尚輦奉御二人次
諸司侍奉官二人分左次御馬二十四疋分左次
尚乘直長二人分左次大繖二孔雀扇八夾繖次
小扇十二次朱畫團扇十二次花蓋次俾倪十二

次玄武幢一次絳麾二次細稍十二次後黃麾一
次殿中侍御史二人騎分次大角百二十具金吾
行十重也次後部鼓吹羽葆鼓十二面工人十二
歌蕭笳各工人二十四次鑊鼓十二面工人各十
二歌蕭笳各工人二十四次小橫吹百二十具工
人百二十笛蕭箏篳篥桃皮箏篳各工人二十四
次芳輦主輦二百人也次小輦主輦六十人也次小輦一奉輦十二
人次尚輦直長二人分次左右武衛五牛旗輦五
黃牛旗處內赤青在右各一人檢校次乘黃令一人承
執左右威衛隊正各一人檢校次乘黃令一人承
二人騎分左右檢次金輅赤質金飾駕赤駟六次
象輅黃質以象飾駕苗次革輅白質鞞之革駕日
事則乘之各駕人次五輻輅各駕四馬駕士次耕根車
則乘之駕事三十二人籍次安車金飾駕四馬次

青質蓋三重駕六馬耕籍次安車金飾駕四馬次
則乘之駕事三十二人籍次安車金飾駕四馬次
四望車金飾駕四馬拜陵臨弔則次羊車駕果下
吏十人次屬車十二駕牛八駕士各次門下中書省秘
書省殿中等局官各一人左次黃鉞車駕二
士十人次豹尾車十駕十二馬駕次左右威衛折充都尉
各一人領掩後各一百人各執太戟刀楯弓次左右
領軍將軍各一人各二步次前後左右廂步甲隊
四十八隊前後各色廂間隊引各三十人次左右
廂黃麾仗楯各十二部部各十二行並執弓刀戟
人左右領軍黃麾仗口十口引前十口掩後二十廂
各獨揭鼓十二重黃麾仗外左右衛將軍各一
人驍衛武衛威衛領軍衛各大將軍一人廂

次及仗左右廂各十八人廂別二百五十八人執及

相間一次諸衛馬隊左右廂各二十四人執及

隊皆折衝果毅人隊別主師以下四隊從十人每

隊應龍旗第三隊王馬旗第四隊第三隊邪旗第五

八隊黃龍旗負第四隊黃旗第五隊飛鱗旗第六隊

飛黃旗第十隊麟旗第十一隊鳳旗第十二隊

第十隊犀旗第十一隊牙旗第十二隊鷄旗第十三隊

第十二隊白狼旗第十三隊金牛旗第十四隊玄武隊

龍馬旗第二十四隊金牛旗次玄武隊人執武隊前大戟

人引二金吾折衝一人分執十騎弩次玄武隊前大戟

隊後當正道執及仗行內置牙門一人執四人夾騎分左右

次牙門左右廂各開五門門左右第一人執四人夾並騎分

黑質步甲隊後左右領軍黃質步甲隊前第一二門在左右

仗前第三門在左右領軍黃質步甲隊前第一二門在左右

第四門在左右領軍黃質步甲隊前第一二門在左右

五在左右武衛白質步甲隊後黑質步甲隊前右

自清遊以下諸衛將軍並平中幘紫襴大口袴

錦勝蛇金隱起帶弓箭橫刀中郎將折衝果毅皆

平中幘緋襴大袴錦勝蛇銀梁金隱起橫刀

弓箭仗飛執旗人引駕二行並武弁緋襴大口

袴供奉並武弁朱衣各一人步從餘文武官及導

駕官並朱衣冠履依本品服其工若法駕減大駕

人駕官並絳衣平中幘餘並戎服

太常卿司徒兵部尚書白鷺車辟惡車大輦五副

輅安車四望車屬車減四其清游隊持鈸隊玄武

隊皆四分減一諸隊鼓吹三分減一餘同大駕縣

令以御史大夫以前威儀亦三分減一小駕又減

法駕御史大夫指南車記里鼓車鸞旗車皮軒車

象輅革輅木輅耕根車羊車黃鉞車豹尾車屬車

小輦小輦諸隊仗及鼓吹各減大駕半餘同法駕

縣令州牧威儀減半其新製昔文旗雲旗刃旗肆

神幢長壽幢及左右千牛將軍衣瑞牛文左右衛
瑞馬文左右驍衛大蟲文左右武衛瑞鷹文左右
威衛豹文左右領軍白澤文左右金吾辟邪文左
右監門師子文將軍中郎將皆同並冬正大會通
服之

宋太祖皇帝建隆四年將郊祀大禮使范質與鹵
簿使張昭儀仗使劉溫叟同詳定大駕鹵簿之制
禮儀使陶穀建議金吾及諸衛將軍導駕及押仗
舊服紫衣請於開元禮各服本色綉袍舊執仗軍
士悉衣五色畫衣隨人數給之有無準式請以五
行相生之色為次黑衣先之青衣次之赤黃白又
次之又大駕五輅各有副車近代寢廢請依令文

增造又案明宗舊圖導駕三引而儀仗法物人數
多周太極鹵簿六引而人數小請準令文用六引
其鹵簿各依本品以給從之舊清游隊有甲騎具
裝亡其制度穀以其所記造之又作大輦皆率意
定其制規穀又取天文大角攝提旗及北斗旗二
十八宿旗十二辰旗龍墀十三旗五方神旗五方
鳳旗四瀆旗時有貢黃鸚鵡白兔及馴象自來又
作金鸚鵡玉兔馴象旗太祖又詔別造大黃龍負
圖旗一黃龍負圖旗一大神旗六日旗一月旗一
君王萬歲旗一天下太平旗一師子旗二金鸞旗
一金鳳旗一五龍旗五凡二十一旗皆有架南郊
用之大黃龍負圖旗陳於明德門前餘悉立於宿

頓宮前遇朝會冊禮亦皆陳於殿庭凡馬步儀仗
悉用禁軍大將軍將軍以軍主都虞候攝事
中郎將都尉以指揮使副指揮使攝事校尉主帥以軍
使副兵馬使都頭副都頭十將攝事
軋德三年蜀平命右拾遺孫逢吉收偽法物之不
中度者悉毀之始令改畫衣為繡衣至開寶三年
而成謂之繡衣鹵簿其後郊祀皆用之軍衛羽儀
自是寔盛其後令有司以綃畫為圖凡三幅車輅
六引及導駕官外兩輻儀衛其警場青城又別為
圖圖成以藏秘閣凡仗內自行事官排列職掌并
捧日奉宸散手天武外步騎一萬九千一百九十
八人此盛極也

玉輅之制箱上置平盤黃屋四柱皆油畫刻鏤左
青龍右白虎龜文金鳳翅雜花龍鳳金塗銀裝間
以玉飾頂輪三層外銀耀葉輪衣小帶絡帶並青
羅繡雲龍周綴緞帶羅文珮銀穗毯小鈴平盤上
布黃褥四角勾闌設圓鑑翟羽虛櫃內貼銀鏤香
罽積銀龍二街香囊銀香爐香寶錦帶下有郵
塵青畫輪轅銀轂乘葉三轅銀龍頭橫木上有銀
鳳十二左建青旂十有二旒皆繡升龍右載闌戟
繡黻文並青繡綢杠又設青繡門簾銀飾梯一托
又二推年一銀銛頭銀裝行馬青繒裏索駕六青
馬馬有金面插鷗羽鞶纓攀留鈴拂青繡履錦結
尾又誕馬二在輅前飾同駕馬餘輅及副駕士六

十四人

太僕所藏玉輅自唐顯慶中傳之至宋號顯慶輅親郊則乘之其制度精巧其行止安重後載太常與闡戟分左右以均輕重世之良工莫能為之者

沈氏筆談曰大駕玉輅唐高宗時造至今進御自唐至祖宗時凡三至泰山登封其他巡幸莫記其數至今完壯乘之安若山岳以措杯水其上而不搖慶曆中常別造玉輅極天下良工為之乘之動搖不安竟廢不用元豐中復造一輅尤極工巧珠寶之飾既成以正旦大朝會宿陳於大慶殿庭車入先以幕屋

覆之將且徹屋忽其上一木墜盡壓而碎人以為異自後只用唐輅其穩利堅久曆世不能窺其法世傳有神物護之若行諸輅之後則隱然有聲

紹興十二年命工部尚書莫將等製造玉輅以天禧宣和鹵簿及工匠省記制度參酌取文質適中之制玉輅青飾輅頂天輪三層塗以綠青羅為衣繡雲龍於上上層一重下層三重每重綴鍍金小鈴三層飾以玉耀葉八十一用青玉為之以金鍍銀鏤龍文置于口兩傍有金花挿天輪之周回形如蕉葉輪傍有鐵圖筒耀葉之下皆有二鉄簪入筒中繫以青帶圍以輪之又青羅兩長幅表裏繡雲龍

自輅頂交於四角分垂至輅臺下謂之絡帶或遇雨覆以黃絹油衣輅之中其頂中虛繡寶蓋闔以八頂飾以八金龍用香檀木為之御坐居中純用香檀不飾他物取黃中正色也座之左右金龍首銜珠穗毬一中兩龍間一大火珠乘以金蓮花臺座之引手亦飾金龍倚背及座皆以金銀絲織成紋錦曲几愚以為用香檀覆以錦褥御座後垂錦簾駕登輅則捲之有梯級以登飾以金綵雲龍每級皆覆以錦褥東偏小梯級執綏官由此先登以紅繩維其前立于東柱以備顧問輅身四柱皆飾以金前兩柱各有大金龍纏於上傍有珠穗毬二輅臺中外皆設錦褥臺之外前有橫案謂之香檀設

金鑪二金香合二立金鳳十二于前案外有金纏龍燭臺二以金覆蓮葉足案前裙板有四金龍間玉方勝以明青表而出之前有牌篆書玉輅二字以玉為之有結子繫金鳳之足旁有二金絲線結八垂牌垂之兩傍中有玉連環結子正垂牌上玉環碾二龍輅之四面周以欄而闕其中以備登降每面於兩欄之角用玉蹲龍一各有金圓照二分置左右玉羽臺一居中羽臺插孔雀羽五枝以辟塵四面其數凡八圓照倍之圓照名曰照焰插以鉄簪繫以繡帶如耀葉之飾輪衣下垂緞帶間以玉珮緞帶染菴牛尾為之五色間焉覆綴以鍍金鈸鈴每垂各六與玉珮間設周圍數各十二輅下有蹲龍十六以金

鍍銀為之在虛盤四圍之兩傍有托角雲龍四金
彩為飾前後左右各二又有一字小欄飾以金伏
于輅下有采圓木橫陳於前在托角雲龍之內輅
前有轅本固以筋膠飾以金碧昂首鱗體如龍之
狀皆飾以金龍首之上有兩橫竿青絲繫之前曰
鳳轅飾以青列立鳳十二六馬載以行次曰推轅
綠色黑文衛士推之以助馬力其橫設轅後曰壓
轅亦青飾衛士壓其後欲取其平左右冒以金龍
其輪三歲一易心用榆木束以鐵園掩以金鍍銀
銘下橫貫圓木為軸冒以金筒更以金蹲龍簪夾
兩輪輪文皆綵繪其輻飾以金花葉衛士左右各
六十八以青綃裹大索鉤於軸首而手入軸傍金

鏤引之而前各以青索置扇上外有副輪二以為
備輅後飾亦如之立鳳轅下六青馬四在轅內二
在轅外又有六馬以備番用馬首被銅面其額以
畫獸銜以鉄牛革裏青綃表鍍金銅飾之其背屨
表以綠錦裏以青綃裹氈六鈴七鈸置之兩傍其
領下青纓曰綽頰覆以金鈸每馬各一月未閱試兩
諫習使馬習而不攝新輪既成載欲車上用輅之所
自三千斤積至萬斤畢無蠅聲試可乃用輅之大
止有行馬二飾以彩綠淳熙十二年修王輅及大
輦四柱紹熙二年修五輅
易車左建太常十二旂繡日月五星右龍旂職掌
駕士二百三十八人服平巾幘綃末額羅繡對鳳
袍皆以青緋羅繡對鳳襖又羅抹帶綃袴襪麻鞋
皆青色青驄馬三十匹執綏官一負捧輪將軍四

人呵唱二人前後攔馬各九人踏道二十二人轅
馬十二人誕馬十二人抱轅墜轅各六人正副托
叉各四人把捧四人小梯二人香匙剪二人紅軸
頭二人推杆四人刮輪四人龍頭二人燭臺二人
靜席二人左右索各六十一人職掌五員教馬二
人車子官健八人蓋覆儀鸞司五人千牛衛上將
軍二員抱龍旂太常六員進馬四員牧馬三十人
香燈睥睨一香案三十人排列官一員凡王輅丈
尺文飾視

承平所用顯慶輅多不
同蓋出省記增減也

金輅色以赤駕六赤馬駕士六十四人象輅色以
淺黃駕六赭白馬駕士四十人革輅色以黃駕六
駟馬駕士四十人木輅色以黑駕六黑騮馬駕士

四十人自金輅而下其制皆同玉輅惟無玉飾副
玉輅副金輅副象輅副革輅副木輅並駕六馬駕
士四十人當用銀飾者皆以銅餘制如正輅元豐
初禮文所言近制金輅不以金飾諸末象輅不以
象飾諸末革輅不鞞木輅不漆請改飾四輅又古
者五輅皆載旗謂之道德之車考工記車戟崇於
及酋矛崇於戟各四赤戟矛皆挿車騎謂之兵車
戰國尚武故增挿四戟謂之闔戟則知德車武車
固異用矣漢鹵簿前驅有鳳凰闔戟猶未施於玉
輅江左以來五輅乃加祭戟於車之右輅以黻繡
之衣後周司輅左建旗右建闔戟闔戟方六赤而
被之以繡皆戾於古請去五輅闔戟以應道德之

稱而建太常於車後之中央升輅則由左又按周禮六馭掌馭玉輅以祀則祀乘玉輅也齊僕掌馭金輅齊充金輅之右則齊乘金輅也齊祀之車異用而不相因國朝親祠太廟致齋文德殿畢翌日即進玉輅非是請進金輅俟太廟祀畢翌日御玉輅詣郊又言法駕之行必有共輿者蓋以承清問表盎曰天子所與共六尺與皆天下豪俊此漢用古制也周官有太僕齊僕道僕所以御車至參其乘則其禮益重故道德之車則有齊右道右武車則有戎右皆以士大夫為之國朝之制乘輿有太僕而無參乘請增近臣一員立車右其後詔增制五輅及參乘玉輅建太常金輅建太旗象輅建大

赤革路建太白木輅建太麾諸輅之副各次正輅仍有闡戟焉

中興後金輅之制黃飾建大旒九旒繡升龍輅牌一金鍍銀耀葉八十一輪衣一繡絡帶二頂雲龍纓帶十有二玉佩七有二金絲結穗毬二金絲結纓一長轅金鍍銀龍頭二上有金鍍銅立鳳十有二車枕上金鍍銅座一金鍍銅套筒十金鍍銀鈸面四金鍍鑪一金鍍銀香寶二并匙金鍍銀立羽臺八御座褥子一有黃綃帕三箱周迴葉段正輪輻一副輪軸罨頭鈸面各二轂輻葉各二百四十四建竿二流蘇結二并鐸軟簾一并鈸遮環踏道一并褥行馬二并罨頭小托叉二車箱行道褥一馬

飾十有二馬面繡頭襟胸腹帶職掌駕士一百五

十六人服色以黃黃馬三十匹四轆下駕轆馬共

儀駕共前後欄馬各五人踏道六人轅馬六人誕

馬六人抱轅墜轅各四人正托义四人把棒四人

推杠二人静席二人左右索各五十一人職掌呵

唱二人教馬二人車子官健二人象革木三轆八

千牛衛上將軍抱龍旗進香燈睥睨排列官職掌等

象轆朱飾建大赤七旂繡鳥隼儀物同職掌駕士

一百五十六人服色以赤駢馬三十匹革轆銀褐

飾建大白六旂繡熊虎儀物同上職掌駕士一百五十

六人服色以銀褐白馬三十匹木轆黑飾建大麾

四旂繡龜蛇儀物同上職掌駕士一百五十六人服色

以黑驪馬三十匹

大輅徽宗政和六年徐秉哲言南北郊皇帝乘玉

輅以赴齋宮自齋宮赴壇正當祀天地乃乘大輅

疑非禮意下禮制局討論於是議造大路如玉輅

之制唯不飾以玉樊纓一就以尚質又制大旂十

有二旒龍章而設日月建於大路之上以象天大

路大輿陳列於門輦道遙平輦之前祀畢還宮則

御大輦

耕根車漢制如副車有三蓋一曰芝車置轡耒

耜之服上親耕所乘也桓譚謂楊雄曰君之為東

蚤華芝及鳳皇三蓋之屬皆玄黃五色飾以金玉翠羽珠絡錦綉首席者

晉因之駕馭天子親耕所乘置耒耜於軾上一名

三蓋車宋因之隋以青為質三重蓋羽葆雕裝同玉輅駕六馬其軾平以青囊盛耒耜而加之籍田則乘之○唐因隋其飾不易大駕行則備馬○宋制如五輅之副駕六青馬駕士四十人進賢車古安車也周制致仕之老及后乘之○漢制乘輿金根安車立車蔡邕曰五安五立徐廣曰立乘曰高車坐乘曰安車是為德車五時車安立亦皆如之各如方色馬亦如之建大旂十有二旂駕六馬餘皆駕四皇太子皇子公列侯皆乘之自漢以後亦為副車晉制因之天子所御則駕六餘並駕四三公下至九卿各一乘公駕三特進駕二卿駕一宋因之齊制諸王三公國公列侯等禮行則乘之隋制金飾紫

通幃朱裏駕四馬臨幸及吊則供之唐制以金飾駕四黑臨幸則乘之大駕出在耕根車後宋乾德時改赤質兩壁紗窓擎耳虛櫬一轅緋幃衣絡帶門庭皆繡鳳紅絲網中設朱漆床香等紫袂案衣緋繒裏鞞索朱漆行馬九車皆有鞞索二駕四馬駕士二十四人

明遠車右四望車齊制通幃油幢絡班漆輪轂亦曰阜輪以加貴臣隋制同犢車黃金飾青油幢朱裏紫通幃紫絲網駕一牛拜陵臨吊則乘之唐制以金飾駕四馬拜陵臨吊則乘之大駕出在安阜後宋初駕以牛後改仍駕四馬赤質制所屋重欄勾闌上有金龍四角重銅鋸上層四面垂

簾下層周以花轅三板駕士四十人
羊車晉制一名輦上如軺伏免相漆畫輪武帝泰
始中羊琇乘司隸糾罪免官齊依之因制漆畫
牛車小形如輿金塗縱容錦衣箱裏隱漆後戶牙
蘭轅枕係捎憶竿代棟梁皆金塗鉸飾御及皇太
子所乘之梁因制羊車亦名輦上如軺小兒衣
青布袴褶五辮髻數人引之貴賤通得乘之名牽
子也隋大業始置焉金寶飾紫憶朱絲網童二
十人皆兩環髻服青衣年十四五者乘之謂之羊
車小吏駕果下馬其大如羊唐因之小吏十四
人宋亦為畫輪車駕以牛隨駕以果下馬以二
小馬赤質兩壁畫龜文金鳳翅緋憶衣絡帶門簾

皆繡瑞羊童子十八人景祐中賈昌朝言大駕鹵
簿有羊車前列案羊車今漢晉時乘於後宮隋唐
以來遂為法從國朝因循未改切以郊祭天地廟
是祖宗車服所陳動必由禮至於四望耕根之屬
兼包歷代豈容後宮所乘參陪五輅欲望大駕不
用羊車所異肅恭稽合典禮
指南車黃帝與蚩尤戰於涿鹿之野蚩尤作大
霧將士皆迷四方黃帝於是作指南車以示方故
後常建馬出崔豹古今註周致太平越常氏重譯來獻使
者迷其歸路周公為司南之制使載之南周年至
國故常為先導示服遠人而正四方車法具在尚書
後漢張衡始復創造漢末喪亂其制不存

明帝青龍中令博士馬鈞紹而作馬車上有木仙人舉手常指南車箱迴轉所指微差晉亂復亡東晉義熙十三年劉裕平長安始得此車復修之一名司南車駕駟其下制如樓三級四角金龍銜羽葆刻木為仙人衣羽衣立車上車雖迴運而手恒指南大駕出行為先啓之乘此車戎狄所制機數不精迴曲頻驟猶須人力正之范陽人祖冲之有巧思常謂宜更造宋順帝昇明中東齊高帝為相命冲之造馬車成使撫軍將軍丹陽尹王僧虔等試之其制甚精百屈千迴未嘗移變齊因宋制加飾四周箱上施屋指南人衣裙襦天衣在箱中上四角皆施龍子干懸雜色真孔雀取布皂

複幔駕牛皆銅鉸飾梁復名司南車大駕出為先啓之乘後魏大武帝使工人郭善明造之彌年不就扶風人馬岳又造垂成善明醜殺之唐修之備於大駕行則先導宋一名司馬車赤質兩箱畫青龍白虎四面畫花鳥重臺勾闌鏤拱四角垂香囊上有仙人車雖轉而手恒指南一轅鳳首駕四馬駕士三七人天聖五年燕肅復創意造

之其法用獨轆車箱外籠上有重構立木人用大齒小輪九合齒一齒徑二寸正輪二齒高一尺圍一丈八赤附足立子輪二徑二寸正輪四齒圍七尺二齒各二齒二十四齒間相去三寸正輪四齒圍七尺二齒其徑三寸鐵軸貫之左小平輪一齒圍一尺二齒圍一尺齒木二右小平輪一齒圍一尺二齒圍一尺齒大平輪一齒圍一尺二齒圍一尺齒十八齒間相去三寸正輪四齒圍一尺二齒圍一尺齒三寸上刻木為人其車行木人齒擊右小平輪一轆右旋附右足子輪順轉十二齒擊右小平輪一

匠調中心大平輪左旋四分之一轉十二齒車東
行木人交而南指若折而西推轅左旋附左足子
平輪隨右轉順轉十二齒擊左小平輪一匝觸中心大
而南指若欲北行或
東或西轉亦如之

大觀元年内侍省吳德仁又獻指南車之制其制

丈一尺一寸五分闊九尺五寸深一丈九寸車輪
直徑五尺七寸車轆一丈五寸車箱上下為兩層
中設屏風上安仙人一執仗左右龜鶴各一童子
四各執纓纒立四角上設關戾卧輪一十三各徑一
尺八寸五分八分圓五尺五寸五分出齒三十二齒間
相去一寸八分中心輪軸隨屏風貫下有輪一
十三寸中至大平齒間其輪徑三尺八寸五分圓一丈一尺
四寸起落二小平齒間相去一寸二分五厘通上左
右起落二小平齒間相去一寸二分五厘通上左
右附輪二寸四分齒間相去一寸二分五厘通上左
出齒二寸四分齒間相去一寸二分五厘通上左
下輪各徑二尺一寸一分上輪各徑一尺一寸一分出齒三十二齒
間相去二寸一分上輪各徑一尺一寸一分出齒三十二齒
各立齒一徑三二齒間相去六寸六分出齒二十二齒
各立齒一徑三二齒間相去六寸六分出齒二十二齒

齒間相去一寸二分五厘左右後轅各小輪一齒無
齒繫竹篋并索在左右軸遇右轉使右轅小輪觸
落落左輪行仙童交而指南車成

記里鼓車○東晉安帝義熙十三年劉裕滅後秦

所獲未詳其所由来制如指南車駕駟中有木人

執槌向鼓行一里則打一槌崔豹古今注云亦名

也車上為二層皆有木人執槌行一里下一層擊
鼓行十里下一層擊錫尚方故事有其作法然亦
未詳

宋因之不易大駕鹵簿次指南車後○齊

因宋制飾加華蓋子襟衣漆畫鼓機皆在內也○

梁因齊制改駕以牛○唐復修大駕鹵簿次指南

車後○宋一名大章車赤質四面畫花鳥重臺勾

闌鏤拱行一里則上層木人擊鼓十里則次層木

人擊鐻一轅鳳首駕四馬駕士三十人天聖間內

車事

見白鷺車下

黃鉞車

漢制乘輿建之在大駕後

晉黃鉞車

駕一馬大駕行次於華蓋後御麾左右又有金鉞

車金鉞車並駕三馬唐備於大駕鹵簿天寶初

改為金鉞車宋制赤質曲壁中設金鉞錦囊綢

杠左武衛隊正一人在車中執鉞駕兩馬駕士十

五人

豹尾車

周制象君子豹變又以尾者言謙也古

者軍正建之

崔豹古今注云

漢制大駕出屬車八十一

乘法駕出屬車三十六乘最後一乘懸豹尾以前

比之省中

胡廣曰施於道路

晉因之在鹵簿末

宋制徐廣按淮南子云軍正執豹皮以正其衆禮

記曰前有士師則載虎皮乘輿豹尾以其義類

唐制大駕出在黃鉞車後駕二馬右武衛隊正一

人在車執之宋因之制同黃鉞車上載朱漆竿

首綴豹尾右武衛隊正一人執之駕兩馬駕士十

五人

屬車一曰貳車一曰左車秦制大駕屬車八十

二乘法駕三十六乘漢法駕用三十一乘小駕用

十二乘隋制大駕三十六法駕十二小駕不用

唐大駕唯用十二乘宋因之其制黑質兩箱舉

裝前有曲闕金銅飾上施紫通幘絡帶門簾皆繡

雲鶴紫網帟銍每乘駕三牛駕士十人元豐初詳

定禮文所言周禮戎右職曰會同充革車儀禮曰

貳車畢乘禮記曰乘君之乘車不敢曠左左必式
蓋古者後車餘路必使人乘之不敢曠空所以別
曠左之嫌也詩曰命彼後車謂之載之是也自秦
兼九國車服西漢因之大駕屬車八十一乘後漢
制云尚書御史所載揚雄云鷓夷國器託於屬車
張衡曰屬車之遙載儉獨猶則是漢之屬車非獨
載人又以載物亦儀禮所謂畢乘之也宋朝鹵簿
車十二乘虛設於法駕之後實近曠左之嫌請尚
書御史乘之或以載乘輿服御從之

大輦歷代之制已見前 宋制大輦赤質正方油
畫金塗銀葉龍鳳裝其上四面行雲龍朶火珠方
鑑銀絲囊網珠翠結條雲龍鈿窠霞子四角龍頭

街香囊頂輪施耀葉中有銀蓮華坐龍紅綾裏碧
牙壓帖內設圓鑑銀絲香囊銀飾勾闌臺坐紅絲
條網帟鈿中施黃褥置御坐扶几香爐錦結綬几
衣輪衣絡帶並緋繡墊金銀綫長竿四銀裏鉄錫
龍頭魚鈎錦膊褥銀裝畫梯托义黃羅綠席褥帔
梯杖褥朱索緋繒油帔主輦六十四人親祀南郊
謁太廟還及具鸞駕黃麾仗省方還都則乘之大
中祥符初東封舊輦太重遂命別造凡減去七百
餘斤後常用焉 紹興十三年更製大安輦赤質
正方油畫金塗銀龍鳳裝朱漆大輪一金塗銀頂
龍一四面施行龍一十六火珠四方鑑銀絲囊網
珠翠結條雲龍鈿窠霞子四角龍頭四真珠結穗

毬一十二頂輪施塗金銀耀葉銀盤紅羅輪衣一
綴銀鈴紅羅絡帶二中設御坐檀香雕木龍椅靠
背上水晶珠梅紅絲裙網象牙滴子曲几錦褥綃
畫裏外龍水屏風香爐結綬長竿四飾以金塗銀
龍頭奉輦四百六十人為五番每番祀畢車駕還
內不用金輅則乘之淳熙十二年新製路道增其
尺寸舊例五番四十八人今漆
三及副都大人負一人服色武弁冠黃羅
繡對鳳袍黃羅勒白紫羅生色袒帶紫緇行滕文
德殿發冊尚輦陳於西階下東嚮隆興元年禮官
請大輦權不陳
芳亭輦黑質頂如幕屋緋羅衣裙欄絡帶皆綉雲
鳳兩面朱綠葱花鈹外施紅絲網金銅帑踏前後
垂簾下設牙床勾欄長竿四銀龍頭銀飾梯行馬

主輦一百二十八

鳳輦赤質頂輪有二柱緋羅輪衣絡帶門簾皆繡
雲鳳頂有金鳳一兩壁刻畫龜文金鳳翅前有戟
設香爐香寶結帶下有勾欄二重長竿三銀飾梯
行馬主輦八十八法駕鹵簿不設

逍遙輦以椽櫚為屋赤質金裝朱漆竿版各一金
螭頭金裏魚鈎各四朱漆柄托义二金絲坐褥扶
版踏床褥飾以紅花羅錦踏床褥一襯褥十六金
鍍銀裝行馬二朱漆踏床二促塵版軟屏風紅花
羅錦金屏風護泥屏各一舊云逍遙子
後改名輦

高宗紹興七年重製詔務令樸素乾道九年以後
殿門早小逍遙

輦出入有礙令工部照輦院丈尺重修殿門御輦
院官舊制二千六百三十人紹興十二年詔以一

千人為額供御營二百人後減為九百人乾道六年詔
下都營六百五十人供御二百二十人
以七百人為額供御二百二十人
供御一百二十人下都三百五十人

平頭輦制如逍遙輦而無屋真宗造登封輦今金

螭頭四金裝朱漆扶版竿各二雲版座各一金裹

魚鈎四褥飾以紅花羅錦踏床褥一檀香促塵版

一護泥屏一舊制輦官十二人服同逍遙輦紹興

十六年親耕服履袍乘之隆興初詔制平輦及條

衣褥郊祀禮畢用之

小輦赤質頂輪下施曲柄如蓋緋繡輪衣絡帶制

如鳳輦而小下有勾闌牙床繡纏水中設方床緋

羅衣錦褥上有小案坐床皆繡衣踏床緋衣前後

長竿二銀飾梯行馬奉輿二十四人

七寶輦隆興二年正月詔御輦院令京師舊輦官

省記昨進道君皇帝七寶輦之制下有司製造

更為美名以進德壽宮禮官言七寶輦高五尺

一寸廣二尺七寸深三尺六寸竿長二丈一寸扶

版二朱紅漆絲織紅百花行龍藍瀝水陞龍朱漆

踏床一紅百花團龍覆之百花大團龍褥一紅羅

銷金百花團龍座一朱漆踏床一鍍金銀火踏一

純金裝釘行馬一對托义一以朱漆之比大輦制

度內耀葉并角龍連盤頂龍並塗金真珠結穗毬

龍水屏風御座用香檀木龍椅靠背金焰水晶珠

梅紅絲裙網牙象滴令欲比大輦平輦用珠靠背

龍頭引手玉龍頭并玉轉身捧珠龍其角龍鐸等

並純金詔如其式內裙網用七寶裝綴 太上皇

帝曰儀衛已隨時增益輿輦不須別造况多事之

時國用方殷不宜虛費遂止 自是上皇每至湖上

則用肩輿蓋不欲煩民也

腰輿前後長竿各二金銅螭頭緋繡鳳裙襪上施

錦褥別設小床緋繡花龍衣奉輿十六人

香燈唐制也朱漆案緋繡花龍衣上設金塗香爐

燭臺長竿二輿士八人金塗銀火鐐香匙副之象

漢鹵簿最在前晉平吳後南粵獻馴象作大車駕

之以載黃門鼓吹數十人使越人騎之以試橋梁

宋朝鹵簿以象居先設木連花座金蕉盤紫羅繡

襜絡腦當胸後鞦並設銅鈴杏葉紅鞞牛尾拂跋

塵每象南越軍一人跨其上四人引並花脚幞頭

緋繡窄衣銀帶

五牛旗依方色皆小輿上刻木為牛背插旗錯采

為牛旗竿上有小盤衣及輿衣亦並繡牛形輿士

各四人

相風鳥輿上載長竿杪刻木為鳥垂鵝毛筩紅綬

帶下承以盤周以緋裙繡鳥形輿士四人

交龍鉦鼓輿各一皆刻木為二青龍相交下有木

臺長竿一挂畫鼓一挂金鉦上皆有緋蓋亦繡交

龍輿士各二人

鍾鼓樓各一本隋大駕鍾車鼓車也皆刻木為屋

中置鍾鼓下施本臺長竿如鉦鼓輿輿士各二十

四人

行漏隋大業行漏車也制同鍾鼓樓而大設刻漏如桶衡首垂銅鉢末有鉢象漆櫃貯水渴鳥注水入鉢中長竿四輿士六十人

十二神輿赤質四門旁刻十二辰緋繡輪衣絡帶輿士十二人自鈺鼓以下舊禮令無文皆開寶定禮所增

旂常之制自漢以來制度殘缺唐禮五輅皆左建龍旂右載闕戟謠滋甚元豐改定郊廟禮文五輅所載悉如巾車之職又以闕戟非古政和間禮官請玉輅以太常大旂建於左右而去闕戟厥後郊廟五輅及副車皆建太常一日並出觀者駭焉

至是造五輅悉倣周禮之制玉輅後左太常繡日月星辰右龍旂繡交龍皆用青羅表裏文繡下有網鬚謂之弗頭用青飾建竿挿於輅後兩柱傍金環之內竿首飾以鍍金螭頭垂以金鈸青纓各六謂之旒繡竿以桐木部竹外護固以筋膠布以漆飾以青藻旗勢稍重六人各執以托之以助旗力旗皆錯采為之漆竿鍤首纛頭錦腰火燄脚白澤攝提金鸞師子天下太平君王萬歲及在步甲前後隊後馬隊三隊六軍儀仗內並以赤日月及合璧連珠五星二十八宿祥雲並以青北斗以黑五嶽四瀆五方五神十二辰五龍五鳳龍虎君並以方色天王以赤黃二色排攔以黃紫赤三色大黃

龍負圖旗舊畫八卦政和禮局改畫為河圖九一
三七二四六八五之數中興後增製華旗各以瑞
物續形其上

阜纛本後魏纛頭之制蓋旄頭之遺象制同旗無

文采去銳首六脚爆稍擊聲也一云象爆牛善

鬪唐金吾將軍執之宋朝制如節有袋上加碧

油常置朝堂車馬鹵簿出則八枚前導又衛司牙

門旗古者天子出建大牙宋朝制赤質錯采為

神入象中道前後各一門左右道五門門二旗蓋

取周旌旗門及天子五門之制

中興後中道前後門旗各二左右道五門各四織

古者張帛以避雨今有方織大織皆赤質紫表朱

裏四角銅螭首

六引內制差小

紹興九年詔後殿射殿引

呈公事日景已高作衛青涼織十從舊制也

蓋本皇帝時有雲氣為花蘂之象而作金花蓋導

蓋皆赤質如織而圓瀝水繡花龍又有曲蓋差小

繡瑞草睥睨漢乘輿所用如花蓋而小扇有

朱團及雉尾四等朱團繡雲鳳黑漆柄金銅飾雉

尾皆方其上綉雉尾紹興十三年詔郊禮織扇並

導舊制拂扇等毋以珠為飾金節隋制也黑漆

竿上施圓盤周綴紅絲拂八層黃綉龍袋籠之王

公以下皆有節制同金節韜以碧油

罕罩象畢昂為天階故為前引皆赤質金銅飾朱

藤結網金獸面罕方上有二吻首銜紅絲拂罕圓

如扇 幢制如節而五層韜以袋綉四神各隨其
方色朱漆柄王公所給幢黑漆柄紫綾袋

黃麾古有黃朱纁三色所以指麾也漢大駕有前
黃麾 宋朝之制絳帛為之如幡錯采成黃麾字
下繡交龍朱漆竿金龍首上乘朱絲小蓋元豐中
命禮官定朝會儀請製大麾一注旄於竿首其旗
十有二幅其色黃一旒元會設仗建大黃麾於當
御廂之前麾幡二於後神宗疑其制鑿命且闕之
而黃麾幡仍舊 幡本幟也貌幡幡然有告止傳
教信幡背絳帛錯采為字上有朱絲小蓋四角垂
羅紋佩繫龍頭竿上錯采字下告止為雙鳳傳教
為雙白虎信幡為雙龍又有絳引幡制頗同此作

五色間暈無字兩角垂佩 御刀自晉宋以來有

之黑鞘金花銀飾靶靶紫絲條帑鈔儀刀制同悉
以銀飾王公亦給之 班劍本漢朝服帶劍晉易

以木謂之象劍取裝飾班蘭之義鞘以黃質素紫
班文金銅紫絲條帑鈔 戟有枝兵也木為刃赤

質畫雲氣上垂交龍掌五色帶帶末綴銅鈴鈹戟
無掌而有小橫木又有小戟與級戟同制 稍長

矛也木刃黑質畫雲氣又有細稍制同而差小
儀艋劍戟之類秦漢有之唐用為儀仗刻木如斧

塗以青柄以黃上綴小錦幡五色帶及叉亦戟類
及無刃而短黑飾兩末叉青飾兩末皆青中白畫

雲氣綴朱絲拂 斿本緝鳥毛為之令為四角小

蓋每角垂珠佩間以朱絲周綴五色帶綉雲龍孔雀白鵝其別有三繫龍頭竿竿制如戟 憶弩漢京尹司隸前驅持弓以射窺者今制每弩加箭二有鞞畫雲氣弩仗內同 弓箭每弓加箭二有鞞同憶弩刀盾刀本容刀也盾旁排也一人分持刀以木為之無鞘有環紫絲條帑錯盾赤質畫異獸義朱藤 皆持執之 甲騎具裝甲人鎧也具盾制悉同惟 綠藤綠質 裝馬鎧也甲以布為裏黃絕為表青綠畫為甲文紅錦緣青絕為下帑絳韋為絡金銅缺長短至膝長膺為人面二自背連膺纏以錦騰蛇具裝如常馬甲加珂拂於前膺及後鞞 車輻捧也形如車輪輻今制朱漆八稜 白柯槍稍也唐羽林所執

制同稍而鉄刃上綴朱絲拂柯舒黑漆棒也制同車輻以金銅銜飾鎧杖黑漆弩柄也金銅為鎧文飾其末紫絲條繫之 七寶牀一覆以緋羅繡帕國初內臣馬上捧之謂之駕頭 緋羅繡扇二緋羅綉曲蓋一並內臣馬上執之謂之扇篋駕頭在細仗前扇篋在乘輿後三駕及常出並用之嘉祐六年以閤門祇候及內臣各二人分駕頭左右扇篋後編欄仍以皇城司親從官二十人隨之 鳴鞭周官條狼氏執鞭趨辟之遺制也鞭鞘用紅絲而漬以蠟行幸則前警祀畢還宮亦用之視朝宴會則用於殿庭紹興十三年親饗 太廟命去神衛百步之內毋得鳴鞭十五年正旦朝會 帝出

東閣御大慶殿殿上合鳴鞭以殿小非在京比乃
免馬毬仗塗金銀裹以供奉官騎執之分左右前
導大禮用百人常行三十大禮舊儀御座金裹裝
釘施珠坐褥是年八月上謂輔臣曰事天以誠為
主器用陶匏貴其質也苟尚侈麗則失精禋之意
矣乃詔有司製褥毋以珠為飾 駕馬鞍勒有金
玉水晶金塗四等鬧裝鞞鞞結為座龍碾釵鏤塵
沙面平面窪面方團寸節卷荷校具皆垂六鞞金
裹銀鞍橋銜鐙朱黃絲條轡鞞緋黃織繡或素圈
鞞榼襍用金銀線織或緋茜絕 仁宗至道中以
黃絹代之鞭用紫竹紅黃絲鞞纓以紅黃鞞牛尾
金為鈸每日馬五疋供奉鞍用玉及金塗銀榼襍

用絕絹行幸則十四疋加真金水晶之飾紹興十
五年詔自今御後殿及駕出御馬權免入殿止例
於殿門外射殿則仍舊制淳熙十四年詔引呈射
事御馬依後殿儀立於殿門外

右五輅及諸車輿輦旂常鹵簿多歷代所
用然有其說而不詳其制惟宋九朝之中
興史志所載製造設飾之制頗詳然亦必
承襲歷代相因之制而微有增損者也故
其載于此至於逍遙子平頭輦駕頭扇篋
之屬雖歷代所無然宋三百年相承乘輿
出入所必用也故亦具載其制云

文獻通考卷一百十七終

文獻通考卷之一百一十八

鄱陽馬端臨貴與著
王禮考

乘輿車旗鹵簿

凡鹵簿有四曰大駕曰法駕曰鸞駕曰黃麾仗大

駕郊祀籍田薦獻玉清昭應景靈宮用之迎奉聖

大駕惟不設象及六朝尊駕官法駕減太常卿司徒兵部尚書白

鷺崇德車大輦五副輅進賢明遠車又減屬車四

餘並三分減一泰山下汾陰行禮用之鸞駕又減

縣令州牧御史大夫指南記里鸞旗皮軒車象輅

革輅木輅耕根車羊車黃鉞尾車屬車小車小輿

餘並減半朝陵迎泰山天書東封西祀朝謁太

清宮奏告玉清昭應宮奉迎刻玉 天書躬謝太廟皆用之鸞駕舊用二千人大中祥符五年告太廟增至七千人兵部黃麾仗用太常鼓吹大僕寺金玉輅殿中省大輦其制無定然皆於小御樓車駕親征或省方還京迎禁中 天書五嶽上冊建安軍迎奉聖像六廟上冊皆用之

凡大駕摠二萬六十一人大率以太僕寺主車輅殿中省主輿輦繖扇御馬金吾主纛稍十六騎引駕細仗牙門六軍主槍仗尚書兵部主六引諸隊大角五牛旗門下省主寶案司天臺主螭漏太常主鼓吹朝服法物庫出旗器名物衣冠幘蓋軍器庫出箠弩弓矢內弓箭庫出戎裝

雜仗

程氏演蕃露曰宋景文筆記曰宣獻宋公著鹵簿記至爆槊不能得其義予後十餘年始得之其說曰江左有約槊為其首大如約是其義也案字書鮫小瓜也蒲卓反字或為約同一音也予案爾雅爆牛幫牛也此獸抵觸百獸無敢當者故金吾仗刻爆牛於槊首以碧油囊籠之荆楚歲時記所說亦與爾雅同今金吾仗以爆槊為第一隊則是爆槊去者刻幫牛於槊首也它說皆非也

仁宗康定元年宋庠上言車駕行幸非郊廟大禮具陳鹵簿外其常日導從惟前有駕頭後擁繖扇

而已殊無前典所載公卿奉引之盛其侍從及百
官屬下至厮役皆雜行其道中步輦之後但以親
事官百餘人執轡以殿謂之禁衛諸班勁騎頗與
乘輿相遠而士庶觀者率隨扈從之人夾道馳走
喧呼不禁所過有旗亭市樓垂簾外蔽士民憑高
下瞰莫為嚴憚邏司街使恬不可止威令弛闕玩
習為常非所謂旄頭先驅清道後行之慎也且自
黃帝以神功盛德猶假師兵為營衛則防微禦變
古今一體案漢魏以降有大駕小駕至唐又分殿
中諸位黃麾等仗名數次序各有施設國朝承五
姓荒殘之弊事從簡略每鳴鸞游豫盡去戈戟旌
旗之制儀衛寡薄頗同藩鎮此皆制度放失憚于改

作之咎謂宜委一二博學近臣討繹前代儀注及
鹵簿令以乘輿常時出入之儀比之三駕伏酌取
其中稍增儀物具嚴法禁上以示尊極下以防未
然革去因循其在今日詔太常禮院與兩制詳定
遂合奏諸班直禁兵步騎為禁衛仍舊數復增清
道馬百佩弓矢為五重騎而執罕畢者一騎而執
牙門旗前後四騎而執緋繡鳳警二十四雉扇十
有三皆分左右天武兵徒行者執柯舒親從兵增
其數為二百殿前指揮使增為二百並騎左右相
對開二門間容二丈以擬周禮之人門凡前牙門
旗後後為牙門旗前為禁衛輒入者論以法禁乘
高下瞰垂簾外蔽夾道喧呼馳走者頗著于令其

後寢施

神宗熙寧以來天子銳意稽古禮文之事招延羣
 英折衷異同蓋屏漢唐沿襲之陋與先儒訛舛之
 說元豐有詳定禮文所大觀有議禮局政和有禮
 制局元豐雖置局造輅然玉輅竟仍唐舊大觀中
 內侍吳德仁上指南車記里鼓車之制天子宗祀
 大禮用之始廢天聖中燕肅盧道隆所製政和修
 飾玉輅文增造大輅而車輅益盛其制度各見
車輅條下
 政和 大駕鹵簿象六分左右次六引開封令開
 封牧大司樂少傅御史大夫兵部尚書各用本
部鹵簿次
 金吾纛稍左右阜纛各六執北各一
人紆四人押衙四人並
騎
 纛稍執各
一名本衛上將軍將軍各四人本衛大將軍

二人並
騎纛稍四夾大將軍執各一人
並騎法駕纛稍

減二本衛上將軍各減二人

次朱雀旗隊並
騎金吾衛折衝都尉一人引隊纛稍

二夾都尉執旗一人
引夾執人
數准此弩四弓矢十

六稍二平左右金吾衛果毅都尉二人押隊法駕

弩減二弓矢減六稍減八宣和引隊改天武都指

揮使押隊改天武指揮使 次龍旗隊大將軍

一負檢校騎引旗十二人並
騎風伯雨師雷公電母

旗各一五星旗五左右攝提旗二北斗旗一護旗

十二人副竿二並
騎法駕引旗護旗人各減四宣

和檢校改左右衛大將軍雷公電母旗去父母二

字次指南記鼓軍各一駕馬各四駕士各三十人

白鷺鸞旗崇德皮軒車各一駕士各十八人法駕
無白鷺崇德宣和有青雀青旗鳴鳶飛鴻虎皮貌
緜六軍在記里鼓之下崇德之前減白鷺鸞旗皮
軒三車駕士之數如前 次金吾引駕騎本衛
果毅都尉二人儀刀弩弓矢稍各八法駕儀刀弩
弓矢稍各減二宣和都尉為神勇騎指揮使
次大晟府前部鼓吹令二人府吏二人管押指揮
使一人擗鼓金鈺各十二帥兵官八人領大鼓一百二十
帥兵官二人領長鳴一百二十帥兵官六人領鑼鼓十二帥兵官十人領
官領歌工拱辰管簫笳各二十四大橫吹一百二
十帥兵官十人領節鼓二笛簫簫篳各二十四擗鼓金鈺
各十二帥兵官四人領小鼓中鳴各一百二十帥兵官八人領羽

葆鼓十二帥兵官四人領歌工拱辰管簫笳各二十四法
駕前後擗鼓金鈺各減四大鼓減四十長鳴減四
十鑼鼓減四拱辰管後簫笳各減八大橫吹減四
十節鼓後笛簫簫篳笳挑皮簫篳各減八小鼓中
鳴各減四十羽葆鼓減四最後簫笳各減八帥兵
共減十八人 次太史相風行漏等與太史令
及令史各一人並騎相風鳥輿一輿士四人交龍鈺鼓各
一輿士六人司辰典士各一人並騎漏刻生四人鼓樓
鍾樓行漏輿各一輿士一人太史正一人清道二人
十二神輿一輿士四人法駕行漏輿一輿士四人神輿
一輿士二人宣和鼓鍾樓并改為輿太史正前有
捧日副指揮使二人捧日節級十人神輿輿士增

十 次持級前隊左右武衛果毅都尉二人引
隊左右武衛校尉二人絳引幡一人執二左右有金
節十二並執人罕罩各一朱雀幢又導蓋青龍白虎
幢各一義三並執人稱長一人鈇戟三百八十人左
右武衛將軍二人檢校左右武衛校尉四人押隊
法駕金節減四鈇戟減七十二宣和引隊改驍騎
都指揮使武衛校尉改驍騎軍使增朱雀旗後之
義一去龍虎旗後之義三檢校改用左右驍騎將軍
次黃麾幡一執一人騎法駕前有殿中待御史
二負 次六軍儀仗左右神武軍左右羽林軍
左右龍武軍各有統軍二負都頭二人羽林又有一節級二人
押仗本軍旗各一排闌旗各二十合有吏兵力士

旗各五掩尾天馬旗二羽林有赤豹黃熊旗龍白武有龍君虎君旗各一
倚槍五十哥舒捧十橙杖八法駕神武軍減排闌
旗十羽林龍武軍各減四吏兵力士旗減一宣和
統軍改軍將神武軍旗改熊虎排闌旗改平列哥
舒捧改戟橙杖改矛戟羽林隊無節級黃熊旗改黃
熊龍武旗改熊虎 次引駕旗天王旗二排仗
通直官二人押旗十二辰旗各一法駕同 次
龍墀旗天下太平旗一排仗大將二人夾騎五方
龍旗各一金鸞金鳳旗各一師子旗二君王萬歲
旗一日月旗各一法駕減鸞鳳師子旗 次御
馬二十四控馬每疋天武二人御馬直二人為十
二重法駕減八為八重宣和御馬直改為習馭

次中道隊大將軍一員檢校法駕同宣和大將軍改為左右驍衛大將軍
次日月合璧旗一
首文旗二五星連珠旗一祥雲旗二長壽幢一宣和首文改慶雲祥雲改祥光
次金吾細仗青龍白虎旗各一五嶽神旗五方神旗五方龍旗五方鳳旗各五
以上執各三人法駕五方龍鳳旗各減二宣和改校尉為使臣五嶽神旗去神字
次八寶鎮國神寶皇帝之寶皇帝行寶皇帝信寶在左受命寶天子之寶天子行寶天子信寶左右為四重香案八各以二列於寶輿之前碧欄三十四人符寶郎行於碧欄之間法駕減碧欄八人宣和增引寶職掌二人香案職掌六人援衛傳喝親從

一百人奉寶輦官每寶二十八人節級一名奉寶二十二人擡香案行馬執燭籠各四人持席褥油衣共三人香案寶輿各九燭籠三十六碧欄之數同前次方織二大雉尾扇四夾執織扇各一人以下准此法駕同
次金吾四色官六人押仗二人法駕減押仗
次金甲二人宣和改為銅甲
次大僕寺進馬四人並次引駕千牛衛上將軍一員千牛八人中郎將二人並乘千牛二人並宣和引駕改為千牛衛大將軍中郎將改為捧日都虞候次長史二人並宣和無
次金吾引駕官四人並次導駕官執政以上人從六人待制諫議防禦使以上四人次織扇輿輦大織二中雉尾扇四夾腰輿一小

雉尾扇四夾應奉人負一名十將或將虞候節級
二人長行十六人排列官二人中雉尾扇十二華
蓋二執各人香燈一執擊小輿一應奉人逍遙平
逍遙子一應奉八十將將虞候節級平輦一應奉
並同餘法駕排列官後中雉尾扇減四宣和去小
雉尾扇四腰輿一添管押人負二人都將四小輿
一奉輿二都將九人逍遙子改為逍遙輦奉輦一平輦
一奉輦人同上後有小輿前又有大輦一駕馬六
尚輦奉御一人騎小輿前又有大輦一太僕卿
御駕士一次駕前東第五班開道旗一阜燹十二
引駕六十二人鈞容直三百人引駕回五方色龍
旗五門旗四十御龍四直步執門旗六十天武駕
頭下一十二人茶酒班執從物一十一人御龍仗

劍六人天武把行門八人麋旗一殿前班擊鞭一
十人簇輦龍旗八日月麟鳳旗四赤青白黑龍旗
各一御龍直四十人踏路馬二夾輅大將軍二人
進輅職掌二負部押二人教馬官二負法駕同宣
和無鈞容直開道旗內增押班一人殿侍二人阜
燹旗十二殿侍十引駕人負二人長行六十人五
方色吉字旗殿侍三人管押十人門旗殿侍二人管
押四十人义八門旗六十御龍直一十二人骨朶
直十二人御龍弓箭直弩直各十八人御龍直仗
劍六人執麋旗殿侍二人管押龍旗人負二人都
知副都知各一名執骨朶殿侍十六人內大將軍
改為千牛衛大將軍朝服將軍二人朝服掌輦四

人皇帝乘玉輅駕青馬駕士一百二十八人扶鸞
八人骨朶直一百三十四人行門三十五人分左
右陪乘將軍二員法駕同宣和駕士增為二百三
十四人 次奉宸隊御龍直左廂骨朶直右廂
弓箭直弩直御龍四直並以逐班直所管人數列
為五重大武骨朶大劔三百一十人次駕後東第
五班大黃龍旗一鈞容直三十一人扇篋下天武
二十人茶酒班簇輦三十一人招箭班三十三人
法駕同宣和止用黃龍旗餘並無 次副玉輅
一駕青馬六駕士四十人法駕無宣和駕士一百
人內人負二人 次大輦一掌輦四人應奉人
負十二人十將將虞候節級共一十人長行三百

五十五人尚輦奉御二人殿中少監供奉職官二
員令史四人書令史四人法駕同宣和增奉輦為
九十人次太僕御馬二十四為十二重法駕減八
為八重宣和無太僕 次持級後隊左右武衛
旅師二人法駕同宣和改為神勇都指揮使
次重輪旗二大繖二大雉尾扇四小雉尾扇朱團
扇各十二華蓋二义二睥睨十二御刀六玄武幢
一絳麾二义一細稍十二法駕小雉尾扇朱團
扇睥睨稍各減四華蓋減一御刀減二宣和玄武
幢改為元武 次左右金吾衛果毅都尉二人
總領大角一百二十法駕減四十宣和改都尉為
驍騎都指揮使 次大晟府後部鼓吹丞二人

典事四人管轄指揮使一人羽葆鼓十二帥兵官領

歌工拱辰管簫笳各二十四帥兵官領鏡鼓十二帥兵官領

官領歌工簫笳各二十四橫吹一百二十帥兵官領

笛簫甗篳笳桃皮甗篳各二十四法駕羽葆鼓減

四簫笳笛篳桃皮甗篳各減八鏡鼓減四小橫吹

減四十帥兵官並宣和帥兵官改為天武神勇宣

武虎翼四都頭次黃麾亦執紼人數同前部法駕

負在黃芳亭輦奉輦六人鳳輦奉輦五人法駕去

鳳輦宣和芳亭奉輦六十二人次金象革木

四輅各有副輅金輅踏路赤馬二正副各駕赤馬

六駕士六十人餘輅正副駕馬數同而色異象輅

以赭白革路以駟木輅以黑駕士各四十人法駕

前副輅宣和駕馬之色又異金以駟象以赤革以

赭白木以烏駕士正一百五十人副一百人管押

人負各二人耕根車一駕青馬六駕士四十

人法駕同宣和無進賢車一駕士二十四人

明遠車一駕士四人法駕無宣和各增駕馬四

次屬車十二乘每乘駕牛三駕士十人法駕減四

乘宣和增衙官二人管押節級一人次門下中書

秘書殿中四省局官負各二負法駕同次黃

鉞車豹尾車各一各駕赤馬二駕士十五人法駕

除進賢明遠車外並同宣和有黃鉞天武副都頭

及神勇副都頭各一次掩後隊左右威衛折

衝都尉二人領隊大戟刀盾弓矢稍各五十法駕

各減十六宣和押隊改用宣武都指揮使二人次
金武隊金吾衛折衝都尉一名髹稍二仙童旗一
玄武旗一騰蛇神龜旗各一稍二十五弓矢二十
弩五法駕稍減六弓矢減五弩減一宣和改為率
武隊改真武旗為元武又去仙童龜蛇旗改都尉
為虎翼都指揮使 政和大駕外仗 清游
隊次第六引外仗白澤旗二左右金吾衛折衝都
尉二人弩八弓矢三十二稍四十法駕次第三引
外弩減二弓矢減八稍減十宣和改都尉為捧日
都指揮使左右金吾各十六騎帥兵官二人弩八
弓矢稍各十二法駕金吾騎及弓矢稍各減四宣
和改金吾為天武都頭 次飲飛隊左右金吾

衛果毅都尉二人分領並騎虞候飲飛四十八人並騎
鉄甲飲飛二十四人並騎法駕前減十八人後減
八人宣和改金吾衛為拱聖都指揮使改都尉為
都指揮使 次前隊及仗左右領軍衛將軍二
人檢校並騎髹稍四及义分五隊第一一百六十八
第二八十八人第三一百人第四第五一各八十八人
逐隊有帥兵官左右領軍衛左右威衛左右武衛
左右驍衛左右衛各四人法駕及义第一隊減六
十第二第三各減三十第四第五各減二十宣和
改檢校為左右衛將軍領軍衛為天武都頭威衛
為神勇都頭武衛為宣武都頭驍衛為虎翼都頭
及第一隊減六十增第二隊至第五隊為一百

次後隊受仗受义分五隊第一第二八十八第三
一百人第四八十八人第五一百六十八人帥兵官左
右衛左右驍衛左右武衛左右威衛左右領軍衛
凡前後隊受仗前接中道北斗旗後盡鹵簿後隊
法駕受义第一第二隊各減二十四第三第四各
減三十第五減六十宣和受义各一百天武神勇
宣武虎翼廣勇都頭 次前部馬隊凡十二皆
以都尉二人分頭第一前左右金吾衛折衝領角
元牛宿旗四弩十弓矢二十稍四十第二氏房女
虛宿旗四第三心危宿旗第四尾室宿旗各工以
上以隊各以左右領軍衛果毅領第五箕壁宿旗
第六奎井宿旗各二各以左右威衛折衝領第七

婁鬼宿旗第八胃柳宿旗第九昴星宿旗各二各
以左右武衛果毅領第十畢張宿旗第十一觜翼
宿旗第十三參軫宿旗各二各以左右驍衛折衝
領弩弓矢稍人數同第一隊法駕分二十八宿旗
為十隊逐隊弩減四弓矢減六稍減二十宣和捧
日拱聖神勇驍衛宣武四都指揮使分領上下隊
以虎翼廣勇都指揮使分領下二隊次步甲前隊
凡十二左右領軍衛將軍二人檢校並驍稍四逐
隊皆有都尉二人分領第一第二第三各以左右
領軍衛第五以左右領軍衛第六以左右威衛第
七以左右武衛第九以左右驍衛第十一左衛並
折衝第二第四各以左右領軍衛第六以左右威

衛第八以左右武衛第十以左右驍衛第十二以
左右衛並果毅內有鷓鴣玉馬三角獸黃鹿飛麟
駃騠鸞麟馴象玉兔辟邪等旗各二以序居都尉
之後逐隊有弓矢刀盾相間各六十人居旗之後
法駕止十隊每隊弓矢各減二十宣和檢校改用
左右衛將軍又去驍稍分領並改為都指揮使第
一第二並捧日第三第四並天武第五第六並拱
聖第七第八並神勇第九驍騎第十宣武第十一
虎翼第十二廣勇 次前部黃鉞麾仗絳引幡
二十下分六部第一左右威衛第二左右領軍衛
第三左右威衛第四左右武衛第五左右驍衛第
六左右衛諸部各有殿中侍御史兩員本衛大將

軍二人檢校本衛折衝都尉二人分領又各有帥
兵官二十人龍頭竿六重重各二十揭鼓三重重
各二儀鎧五色幡小戟稍各一重重各二十弓矢
二重重各二十朱綠滕絡盾并刀二重重各二十
法駕止五部絳引幡帥兵官龍頭竿幡戟弓矢盾
刀稍並減六宣和六部驍衛武衛屯衛領軍衛監
門衛千牛衛皆左右上將軍天武神勇宣武虎翼
廣勇皆都指揮都頭逐部上將都頭各一人次青
龍白虎旗各一左右衛果毅都尉二人分押旗及
七十騎弩八矢二十二稍四十法駕減後騎三十
弩減二弓矢減八稍減二十宣和改都尉為翼都
指揮使次班劍儀刀隊並騎左右衛將軍二人分

領郎將二十四人左右親衛勳衛各四人每衛班
劍二百二十人諸翊衛左右衛六人領儀刀四百
八人左右驍衛二人領儀刀一百三十六人左右
武衛左右威衛左右領軍衛左右金吾衛法駕親
勳衛班劍減八十四人翊衛儀刀減一百三十二
人增左右驍衛四人劍儀刀九十二人宣和分領
改左右武衛將軍及捧日天武指揮四人拱聖六
人神勇驍騎驍勝宣武虎翼指揮使各二人
次親勳散手驍衛翊衛隊並左右衛供奉中郎
將四人分領親勳翊衛四十八人左右衛郎將二
人分領散手翊衛六十人左右驍衛郎將二人分
領驍衛翊衛五十六人法駕親勳減十六人散手

驍衛各減二十人宣和改為冲衛翊衛親衛隊中
衛郎四人分領衛兵四十八人翊衛郎二人分領
衛兵六十人親衛郎二人分領衛兵五十六人次
左右驍衛翊衛三隊並各有二人分領第一本衛
大將軍第二本衛將軍第三本衛郎將花鳳飛黃
吉利旗各二分為三隊逐隊弩十弓矢三十稍四
十法駕弩減四弓矢稍各減半宣和分領第一第
二隊左右驍衛大將軍第三廣勇指揮使改花鳳
旗為雙蓮旗次夾轂隊凡六逐隊都尉二人
檢校第一第四左右折衝第二第三第五第六並
左右衛果毅逐隊刀盾各六十人內第一第四有
寶符旗二法駕各減刀盾二十宣和檢校改為捧

日天武拱聖三指揮使次捧日隊逐隊引一人押
二人長行侍殿二十八人旗頭三人槍手五人弓
箭手二十八人左右廂天武約攔各一百五十五人
法駕同 次後部黃麾仗分六部左右衛左右
驍衛左右武衛左右威衛左右領軍衛左右武衛
部內殿中侍御史大夫將軍都尉帥兵官絳引幡
龍頭竿等並同前部法駕減第六部絳引幡減六
宣和六部改第一為左右驍衛大將軍自二至六
改為天武神勇宣武虎翼廣勇五指揮 次步
甲後隊凡十二皆有都尉二人分領第一以左右
衛第三以左右驍衛第五以左右武衛第七以左
右威衛第九第十一各以左右領軍衛以上並果

毅第二以左右衛第四以左右驍衛第六以左右
武衛第八以左右威衛第十第十二各以左右領
軍衛以上並折衝內有貌鵬仙鹿金鸚鵡瑞交孔
雀野馬鼈牛甘露網子祥光翔鶴等旗各二序居
都尉之後逐隊有弓矢刀盾相間各六十人居旗
之後止十隊宣和自第七隊以下分領改用都指
揮使七八並神勇九驍騎十宣武十一虎翼十二
廣勇旗亦改其半七天正堯瑞八日有戴承十翔
鶴十一紅光十二文石

次後部馬隊凡千二皆以都尉二人分領第一第
二各以左右衛第五第六第七各以左右領軍衛
並折衝第三第四各以左右驍衛第八第九各以

左右威衛並果毅內有角端赤熊兕天下大平馴
犀鷄鷓鴣鴈牙蒼烏白狼龍馬金牛等旗各以序
居都尉之後每隊弩十弓矢二十稍四十法駕止
二十隊弩減四弓矢減六稍減十二宣和改都尉
為指揮使一二並以捧日三四並以天武五六並
以拱聖七八並以神勇九以驍騎十以宣武十一
以虎翼十二以廣勇內六有芝禾秀旗七有萬年
連理木旗 以上鹵簿凡門有六中道之門二第
一門居日月合璧等旗之後法駕居龍墀旗之後
第二門居掩後隊之後法駕同各有金吾牙門旗
四監門校尉六人左右道之門四第一居步甲前
隊第六隊之後第二居第十二隊之後第三居夾

轂隊之後第四居步甲後隊第六隊之後法駕同
各有監門校尉四人宣和改校尉為使臣 政
和小駕減大駕六引及象木革輅五副輅小輿小
輦又減指南記里白鷺鸞旗崇德皮軒耕根進賢
明遠黃鉞豹尾屬車等十一車餘並減大駕之半
宣和初蔡攸等改修鹵簿圖凡入物器服盡從
古制飾以丹采三十有三卷今列政和所上而
附以宣和沿革之制
詳定官蔡攸等又言六引開封令乘輅車開封
牧大司樂司徒御史大夫兵部尚書乘革車次
之開封牧建綉卑旗太常卿綉鳳旗司徒建繡
瑞馬旗御史大夫繡以獬兵部尚書繡以虎皆

副之以闡戟其先後之序所乘之車所建之旗
揆古則不合駭今則有戾且大駕之出自漢光
武時始有三引先河南尹次執金吾次洛陽令
先尊後卑也後魏亦三引先平城令次司隸校
尉次丞相先卑後尊也唐兼用六引五代減為
三後周復增為六皇朝因之開封令居前終以兵部
尚書然以前為尊則大司則兵部尚書不當繼
御史大夫此先後之序未正也輜車非縣令宜
駕革車非公卿宜用是所乘之車未稱也鳳馬
之繡無所經見闡戟之設尤為訛謬是所建之
旗未宜也司徒三公論道之官車徒非其所任
戶部主之可也奉常掌禮司樂典樂皆專於一

事禮樂之容非其所兼禮部總之宜也請改司

徒用戶部尚書改大司禮用禮部尚書其僚佐儀制視

兵部尚書御史大夫位亞三少秩從三品又尊於六

尚書其行宜以兵部次令牧禮部戶部又次之

終以御史大夫則先後之序正矣

翟氏演蕃露曰宣和鹵簿圖有誕馬其制用色

帛周裹一方氈蓋覆馬脊更不施鞍此其為制

必有古傳非意狃矣然名以為誕則其義莫究

也蔡攸輩雖加辨釋終不協當案通典宋江夏

王義恭為孝武所忌憂懼故奏革諸侯國制但

馬不得過二其字則書為但不書為誕也但者

徒也徒馬者有馬無鞍如人袒裼之袒也迹其

義類則古謂徒歌曰謠是其比也其所謂徒者
但有歌聲而無鍾鼓以將也然則謂之但馬蓋
散馬備用而不施鞍轡者也通典三十一又王瓊每
見道俗乞丐無已道逢太保廣平王懷遠自言
馬瘦懷即以誕馬并乘具與之案此書但為誕
誤也所與者但馬而無鞍勒故以乘具與之其
理相貫也又案酉陽雜俎一卷北齊迎南使使
主副各乘車但馬在車後鐵甲百餘人其所書
曰但馬而不曰誕馬在車後而名但知無乘具
以備闕也

按宋史所載鹵簿凡三至道政和紹興皆
有之至道則國初草創之規而又參以前

代相承之制紹興偏安杭都未遑禮文蒐
輯舊典多已失墜其可見者比承平時不
能以半獨政和所定則自元豐以來置立
詳定禮文所議禮局考訂精審其儀不舛
而其文最詳故具載之

高宗中興後唯設大駕法駕及黃麾仗大駕鹵簿
郊祀用之法駕明堂用之黃麾大仗三千三百五

人大朝會用之視政和舊儀減三之一黃麾半仗二千四百

五十人正旦朝會上尊號冊寶親饗用之親饗太廟兵部

設黃麾仗自和寧門至大廟星門外鼓吹二百三十六人又黃麾半仗一千

四百九十九人冊皇后皇太子用之黃麾角仗一
千五十六人冬至朝賀紫宸殿望參金國使賀正

旦生辰受玉寶皇帝御正殿皇太子稱謝起居用
之黃麾細仗五百人迎奉冊寶玉牒國史聖政會
要日曆御集寶訓用之細仗一百人進呈聖德事
迹經武要略及獨進玉牒用之
凡郊祀鹵簿用六千四百九十六人騎立大旗十
一并執儀仗官兵三千三百五十六人馬一千九
十八匹攝殿中侍御史諸衛將軍等五十一人御
輦院繖扇輿輦二百三十八人御街馬天武等四
十四人太常寺鼓吹樂工五百八十八人左右金
吾司碧欄等三十五人總轄檢察儀仗兵部郎中
各一人職掌十二人輅下駕士等二百六十一人
車輅院般法物十人諸班直等一千八百四十六

人爲執龍旗五十四人步執龍旗三十二人擊鞭
六人駕後大黃龍旗三人捧日甲馬隊三百人
天武二百人奉宸隊翰林司兵士二人淳熙十
一千二百五十八人
密院言大輦一於前九十日入寶於前六十月
扇於前四日閱習並差一殿前同步軍司兵及
輦官從之

明堂鹵簿用四千一百四十八人卓立大旗十一
步執儀仗官兵二千二百五十八人攝殿中侍御
史諸衛將軍及繖扇輿輦等並同郊祀之數唯道
遙輦
下城諸班直六百六人馬旗龍旗五十四人步執
六人
奉宸隊五百人駕不設金象革木四輅及大安
輦後大黃龍旗五人
大駕鹵簿儀仗及六引用鼓吹八百八十
四人內鼓吹令丞二人府史典史各四人指揮使
四人
十人中鳴六人十人鑼鼓十人七人拱宸官三十人小鼓六人羽

律鼓十二人 盛菓二十九人 小橫吹六十三人 簫八十七人 笛三十九人 節鼓一人 此紹興十三年之制也

制法駕三分減一鼓吹用五百八十八人 內令丞典吏指揮使帥兵官歌簫算菓茄笛拱宸管大小橫吹節鼓四百三十八人 金鈺桐鼓羽葆鼓大小鼓中長鳴一百四十六人 此乃紹興十三年之制也

嚴更警場舊制嚴鼓一百二十四金鈺二十四鳴角一百二十紹興十三年以地夾移於樞星門外止用鼓角各六十金鈺二十六引服飾擗稍左右金吾將軍金銅甲冑披膊解結錐左右金吾街仗司花脚幞頭碧羅襖紫綠羅袍金銅帶儀刀烏皮履執儀仗者幞頭武弁平巾幘錦帽鸞衫抹額纈騰蛇銅革帶紫緋羅繡袍紫紬寬衫緋紬袍青羅黃紬銀褐緋阜紬寶相花衫駕前殿前指揮使細

甲方勝練鵲纈衫綠羅甲弓箭銀劍蒜辨朶紅紫羅帽帶殿前左右班粉青緋紫三色大搭纈羅衫長入祗候五十二人合色頭鬚鍍金帽環青紅二色茶酒班殿侍紫羅印阜斜搭衫茶酒班十人內紅拂扇二人御龍直執從物八十三人珠巾方勝鵲衫行門二十四人金銀甲方勝鵲衫金束帶珠璫銀骨朶內押行門纏枝袍行門花袍御龍直二百五十人負黃師子纈衫長行方勝鵲衫內殿直已下二百五十人負亦如之長行白師子纈衫殿前指揮使編排禁衛紫羅阜花衫駕頭扇篋下各天武三十一人白師子衫東西班樂三十六人紫帽帶招箭班三十六人幞頭束帶

親從園子行宮殿門中道左右辟帽鍍金束帶其
衫皆以白師子纈餘並方勝練鵲遙郡刺史衫以
羅雲鴈都指揮使以御仙花都虞候以簇四金鷗
御前忠佐以宜男方勝正副使以黃師子正副都
頭以方勝練鵲控馬親從以青蓮執燭籠親從二
百人以寶照餘從駕並以白師子執燭二十二入
衫亦如之鍍金帶軍頭引見司人負四人帽子方
勝練鵲衫等子八十三人帽子圍花寶照緋纈羅
衫鍍金帶左右騏驎院御馬六特勒騏驎拳毛騧佛
耳赤騧黃青騧滴
露紫控馬執七寶百節鞭杓子御馬五十人纈衫皂
紗帽金鍍銀師帶禁衛班直等緋綠羅紅盤鷗背
子紹興三年正月造緋二千領綠一千領以緇代
羅興三年又以纈代緋乾道四年五月文思院

製從駕人衣服慶元二年皇后受冊寶排設
道遙平輦人負各一人輦官二十七人負帽子
宜男纈羅衫鍍金銀柘枝帶輦官紹興十二年皇
幘頭白師子纈羅衫鍍金海捷帶
太后回鸞上將躬迎于郊命有司製常行儀仗是

石延慶請詔禮官參考康定中當行
儀衛酌取中制以正萬乘尊嚴之分工部尚書莫

將等請先造黃麾仗二千二百六十五人

十三年二月詔郊祀設大駕鹵簿仗內六引令禮

部兵部太常等討論名數兵部侍郎程瑀等言國

初大駕仗儀總一萬二千二百二十二人今已有

黃麾半仗二千四百八十三人玉輅腰輿小輿大

輦平輦逍遙輦下一千九人共三千四百九十二

人法物儀仗外猶闕金象革木四路芳亭鳳輦屬

車寶輿等一千二百七十三人天武捧日奉宸隊

等六千四百五十七人共七千七百三十八人法物
儀仗請下有司製造乃命兵部郎官錢時敏等參
訂規式凡舊用文綉者以纈代之前後部及六引
鼓吹八百八十四人舊製並騎導以道途狹隘止
令步從其六引前大象止用一頭舊製郊祀請景
靈宮亦乘王輅
時以衢巷狹隘慮毀民居詔權宜乘輦若
宗祀明堂饗廟禮畢則乘王輅至文德殿
二十一年四月臣僚言天子之出清道而後行千
乘萬騎稱警言蹕旄頭前驅豹尾後殿其往來馳
道與闌出入者皆有屬禁自六飛南渡務為簡便
唯四孟饗獻乘輿躬行前為駕頭後止曲蓋而爪
牙拱扈之士或步或趨錯出離立無復行列至有
酌獻未畢已捨而歸士民觀者駢肩接袂雜還虎

士之中而不聞有誰何之者望詔有司講求其當
凡車駕行幸從駕禁旅以若干人為一列相去各
若干步其乘馬前導者皆預上其數命有司繪為
圖先一日以聞別具副本報御史臺有不如令及
不在圖中而輒冒至者許有司舉之蔽而不言令
御史臺覺察詔可

孝宗隆興二年將行郊祀詔遵藝祖典故省約儀
衛除玉輅道遙平輦外八寶下人數及車輦儀仗
皆令減損視紹興二十八年之數權減其半用六
千八百八十九人鼓吹警揚舊用一千一百五十
九人亦三分減一
乾道四年中書門下奏車駕詣德壽宮用殿前司

六百二十九人皇城在內巡檢司三百九十一人
崇政殿四百四十九人凡一千四百六十九人四
孟詣景靈宮刑殿前司八百七十五人皇城在內
巡檢司五百二十八人崇政殿五百二十一凡
一千九百二十四人以左藏南庫絹二千匹下文
思院製其衣服
六年郊祀詔復設五輅及大安輦

文獻通考卷一百一十八

